

張晉庵先生文既注

中華民國三十六年八月初版

張齋庵先生文槩注

(每冊定價法幣)

版權所有

編者	曹君
發行者	張敬禮
校錄者	張融武
正字者	尤慎銘
丁	翰墨林印書局
印刷者	翰墨林印書局

發行所 南通翰墨林印書局

(地址長橋東河沿)

張喬庵先生文槩注序

許書曰。槩。所以斡斗斛也。斡。平也。槩之引伸。有梗槩義。今日文槩。猶言箸錄中取其略爾。不得稱文選。稱文衡。而亦不能號此部分爲文粹。文醇。文穎。一名之立。固當求其宜。何邵公注公羊。傳謂爲學說者。謂受學於師。乃爲此謙辭。又曰。學即注述之意。今文麟之稱爲學。則謂學師之文。學事注釋已矣。昔方唯一贈詩。意謂喬公以昌黎半山之筆顯。而爲弟子者。乃法震川。實則文麟初無所拘。於師之詩文。瞠乎望塵而不能及。而固堅其生平願學之心也。注書之不易。以李善之選學。其子邕且欲更其注。呂之祚爲五臣注。又大詆善之短。而五臣之注。則自唐李匡又丘光庭。至於東坡。復代有人論其誤謬。此至可畏者。奈何率爾操觚。侈然以從事。故今日者。聊學爲之。師歿後。李苦李曾屬先少集師所箸。將印之以示學者。時孝若已盡取遺編。居上海定九錄。乃止。孝若既編成。亦嘗屬爲裁量。而小之并正其句讀。其後以急付印。則亦止。紀元二十七年。邑城陷。

於夷同儕多奔東鄉而校遂僑墾牧鄉之附屬小學文麟授文。有時取師作陳自治吾邑之績以壯吾邑之氣奮興後生。近年沈燕謀張敬禮先後屬增補校正九錄。既本歐公增宛陵集之例從事兩寒暑。今年尤慎銘叢介生又屬別爲師教育文鈔及實業文鈔。文麟因更取曩授生徒數十篇之注與顧怡生董理之。冀邑之學院及高級中學諸生明其大略知師生平。他日有以弘我南通弘我中國。孟子曰。豪傑之士雖無文王猶興。而況景仰而私淑者之固有在乎。海波既息。朝氣初萌。益以培土壅根之力。蓋吾輩微末園丁之本務也。三十五年十一月曹文麟

張喬公先生文槩注目錄

通州師範學校始建記

通州師範學校堅苦自立忠實不欺校訓跋

通州師範學校石刻孟子象記

通州師範學校壽松堂楹跋

通州師範學校十年度支略序

通州師範學校後記

通州女子師範學校第一次本科實習教授評案序

通州博物館徵通屬先輩詩文集書畫及所藏金石古器啟

通州博物苑美人石記

通州圖書館曝書臺銘

張喬菴先生文槩注

南通教育狀況序

論嚴格教育旨趣書

通海中學附國文專修科述義

南通紡織專門學校旨趣書

爲溝通中西醫學致閻督軍書

大生紗廠章程書後

通海墾牧公司集股章程啟

題通海墾牧公司界圖扇箋

通海界柱銘

通海定界後記

南通公園記

公園治沼記

南通養老院記

南通新育嬰堂募捐啟

殘廢院募捐啟

通州江岸潮災報告書序

重修南通孔廟記

重修興化禪寺記

重建宋文忠烈公渡海亭記

中憲府君墓志銘

亡妻徐夫人墓表

顧生母墓志銘

惠慤先生鄉謚跋

丁節母節孝編跋

南通縣圖志沈燮均傳

記造橋和尙

施報說跋章氏銅官感舊圖

申報五十年紀念序

辛亥勸告鐵將軍書

辛亥致袁內閣代辭宣慰使農工商大臣電

致翁振甫書

與顧公毅書

復習位思簡

爲日艦員擅自登陸游獵致日本政府書

張晉菴先生文槩注

弟子曹文麟學

通州師範學校始建記

校地因古千佛寺。注一寺與文昌閣南北相負。頽廢久矣。州志志寺萬曆中建。語至略。而文昌閣建自萬曆二十四年冬。有秣陵余夢麟太原王穉登州人。顧養謙。注二三碑志其事。志寺緣始者。賴州人包壯行。注三募修寺疏。壯行明崇禎十六年癸未進士官工部主事。癸未會試在八月。據壯行他文。甲申由天津南歸。夢見順公。順公者。燕僧順菴。建千佛寺者也。壯行之歸。至早亦止二月。或者三月。三月。明社。注四屋矣。疏述寺建於萬曆二十七年己亥。至順治四年戊子。順菴弟子卓然。丐壯行爲疏募金錢重修。考其歲月。閣寺之建。直同時。後先相賡續也。包於當時有文名。其文傳世。顧不多。所見者。稿草。故太倉王氏物。不知何時流轉於江南。寺雜祀天神地祇人鬼。不盡合釋氏言。道光朝。寺鐘款識。名三教禪寺。樊然。注五羸。注六寺閣所祀者而一之。又不若明人各自

爲名之尙有說矣。悲夫。周之將亡而政教之衰也。學校不修。子衿注七刺作。及秦蕩周制。舉孔孟所守五帝三王之道。淪胥墜地。漢世經生藉師說爲利祿。學校之質存已幾微。過是以往。門第科舉之說迭興。教不階塾庠序學注八而成。才不第德事言藝而進。仕求速化。人懷倖心。實無可憑。則競於虛叩。由是鬼神禍福之說一切得而熒之。宋元以降。其流滋濫。祆祠淫祀。充牣大宇。稽其名號。明白二氏之書者。且羞稱之。而世儒崇戴之不已。甚至天子宰相爲之前旌注九。有明一代。嘉靖注十爲甚。由是毀書院。戮黨人。抉根掘萌。惟恐不殊注十一。逮至崇禎甲申。裁百年耳。孟子有言。上無禮。下無學。賊民興。喪無日矣。其不炯然龜鑑注十二也歟。今上辛丑回鑾。懲於拳匪之禍。明詔天下州縣。敬教勸學。許借寺觀以爲校舍。蓋漢唐令辟注十三未有之盛舉也。嘗維教不可無師。師之道備於學記。後世科舉之師。學記所謂呻其佔畢。多其訊言。數進而不顧其安施之悖。而求之佛注十四者也。聞之歐美之覘注十五人國也。以其國學校多寡爲強弱文野之別。其多者。校以七八萬計。生徒以七八百萬計。校師以十數萬計。師必出於師範。師範

之教授管理。其法往往可以證通學記。乃白督部劉公^{注十六}請就千佛寺所自立師範學校。先是一年。寺前殿燬於火。因并文昌閣所有木石瓴甍之材經營改作。擔土填河。拓地立積萬方。凡爲地四十一畝有奇。先後建屋一百零四間。樓一百七十二間。廊廡一百十六間。適其地勢以爲深廣。凡容生徒上下三百餘人。息寢盥滌^{注十七}聽視吸噓。量光度氣。惟善是的。罔敢臆造。經始於光緒二十八年五月。告成於三十一年四月。改作擴張。又歷兩載。凡附屬工科教室一。初高小學校一。校河之西營博物院苑測候所休療室。凡爲地三十九畝。又於其南營農場農學教室貧民半日小學。凡爲地二十畝。其創始及經久之貲。嘗所任籌。亦惟叔兄管沈君燮均及二三好義君子贊襄。是賴世變亟矣。不民胡國。不智胡民。不學胡智。不師胡學。務民義而遠鬼神^{注十八}。策富教以維衆庶^{注十九}。廣之萬國以求其同。還之三代以存其獨。是則孔孟之教矣。甯假彼二氏張皇禍福之言哉。抑聞之史學家。沿革建置。一方之掌故也。顧養謙文昌閣記言城濠東南水口靜海城故址在焉。卽址爲閣。閣之東爲書院。證之州志。南唐嘗立靜海都鎮制置。

院。周升爲軍。尋改通州。城則周顯德五年築。註二十曾無更易。然則地或當爲都鎮院。故址。所謂閣之東書院何名。碑闕不詳。志又不載。或尙有故記遺聞。若壯行後出者乎。姑記而俟之。

注：一。寺中佛殿之址。後爲校之禮堂。南嚮。文昌閣爲時孫堂。本北嚮。故云南北相負。壽松堂爲北嚮。山門之址。南嚮。山門則當第一進爲樂儀堂。二。顧養謙。通州志名臣。傳有傳。字益卿。號沖庵。官至薊遼總督。與石星封貢議。尋引疾歸。三。卮壯行。通州志隱逸。傳有傳。字禪修。清順治六年。方拱乾薦授江南總漕。託疾力辭。所居疊怪石爲奇峯。顏曰石圃。自號石圃老人。四。禮記郊特牲。天子太社必受霜露風雨。以達天地之氣。故喪國之社。屋之不受天陽也。五。樊然。紛雜貌。莊子樊然殺亂。六。說文。麀。羊相厠也。從羴在屋下。尸。屋也。案羴音臙。說文。羊臭也。厠之引伸義。謂凡物亂糞。顏氏家訓典籍錯亂。皆由後人所厠。七。詩鄭風子衿之篇。刺學校廢也。八。禮記學記。古之教者。家有塾。黨有庠。術有序。國有學。鄭注。術。當爲遂。九。前旌。猶言前馬先馬也。庾信賦。前旌載鷲。十。嘉靖爲明世宗年號。世宗崇道教。造殿建醮之事。屢爲之。命道士邵元節爲致一真人。又召真人張彥頤設金籙大齋。謂有白鶴降庭。卿雲捧日。又召陶仲文拜爲神仙高士。而亦嘗以元節爲禮部尙書。加仲文以少師。及熹宗天啟五年。則毀天下講學書院。榜東林黨人姓名示天下。

十一說文殊死也。十二唐書劉蕡傳惟此龜鑑擇乎中庸。十三爾雅皇王后辟君也今云令辟猶賢君也。十四呻其佔畢四句鄭注呻吟也佔視也簡謂之畢王氏引之曰「佔讀爲筭說文曰穎川人小兒所書寫爲筭又曰籒書篋竹筭佔亦簡之類故佔畢連文鄭謂吟誦其所視之文殆失之迂矣」多其訛言之解王氏曰猶云多其告語不待學者之自悟而強語之及於數進之解王氏曰隱公元年公羊傳及猶汲汲也爾雅云數疾也鄭注曾子問曰數讀爲速及於數進謂汲汲於求速進也王氏懋茲曰不論其次第而概施之則先後失其宜故曰悖不論其材質而強求之則大小乖其量故曰佛十五禮記檀弓善哉胡國乎十六時兩江總督爲新寧劉坤一十七滲玉篇浸沃也十八論語樊遲問知子曰務民之義敬鬼神而遠之可謂知矣十九論語子適衛冉有僕子曰庶矣哉冉有曰既庶矣又何加焉曰富之曰既富矣又何加焉曰教之二十通州志周世宗顯德五年靜海制置巡檢副使王德麟始築土城立四門六年戮以陶甃北門地僻多盜立壯健營鎮之又載元順帝至正十九年都元帥李天祿修城垣有通州同知周衡爲記畧有云昔周世宗以顯德五年遣師擊南唐南唐主盡獻江北地明年築通州城而甃之升州爲靜海軍

通州師範學校堅苦自立忠實不欺校訓跋

光緒二十九年四月朔日開校以是二語勗勉諸生亦卽生平彊勉注一自厲注二之

所在也。揭示於堂，以爲校訓。

注：一、說文，勞迫也。又云，勉，勞也。案，勉，勞字。經傳皆以強，彊爲之。漢書董仲舒傳，事在彊勉而已矣。彊，勉，學問。則聞見博而知益明。彊，勉，行道，則德日起而大有功。此爲彊，勉二字連用之始。二、說文，厲，早石也。段注，早石者，剛於柔石者也。案，其字亦作礪。廣雅釋詁，三礪，磨也。則引伸義耳。禮記儒行，砥厲廉隅。後漢書馮衍傳，砥礪其節，厲礪可任用也。

通州師範學校石刻孟子象記

孟子之聖，淵源孔子。良知學說，遠啟陽明。注一由陽明以求孟子，而後七篇百二十四

章孟子之微言。注二大義可得而窺也。大陸將沈。注三斯文將喪。注四仁人志士舍孟

子誰師。光緒乙巳八月，屬擘令姚生鵬圖拓孟廟明天順。注五刻象。越歲三月，重摹於

孔子象碑陰。

注：一、王守仁字伯陽，明弘治進士，累擢右僉都御史，巡撫南贛，平大帽山諸賊，定宸濠之亂，封新建伯，總督

兩廣破斷驪峽賊。明代文臣用兵未有及者。卒謚文成。生平學說以良知良能爲主。重致良知。謂格物致知當自求諸心。不當求諸事物。故於宋儒特推重陸九淵。世僭之爲姚江派。案孟子曰人之所不學而能者。其良能也。所不慮而知者。其良知也。孩提之童。無不知愛其親者。及其長也。無不知敬其兄也。親親。仁也。敬長。義也。無他。達之天下也。孟子之道性善言仁義。蓋如此。而陽明實宗之。二。漢書藝文志。昔仲尼沒而微言絕。七十子亡而大義乖。師古曰。微言。精微要妙之言耳。三。晉書桓溫傳。遂使神州陸沈。百年丘墟。案陸沈者。喻世亂已極。大陸非沈於洪水。沈於人也。四。論語。天之將喪斯文也。五。天順爲明英宗年號。

通州師範學校壽松堂匾 注一 跋

建學事興馬齒 注二

注二

五十南陵徐太守 注三

注三

贈松爲壽。自維衰落。不足辱太守之愛。移

殖 注四

注四

校庭庶永嘉惠歲寒 注五

注五

相勗竊志之已。

注：一。說文。扁。署也。從戶冊者。署門戶之文也。後漢書百官志。孝子順孫烈女義婦及學士爲民法式者。皆扁

表其門。案匾。扁皆後起字。二。穀梁傳。僖公二年。璧則猶是也。而馬齒加長矣。案後人因謙言已之年齡。謂

爲馬齒。三。徐太守。名乃昌。字積餘。四。書呂刑。農殖嘉穀。案殖。種也。五。論語。歲寒然後知松柏之後彫

也。

通州師範學校十年度支略序

自前清甲午中國師徒敗衄。注一乙未馬關訂約。國威喪削。有識蒙詬。乃知普及教育之不可以已。普及有本。本在師範。乃知師範之設之不可以已。設師範之資其數非細。他國師範。義由國家或地方建設而扶助之。當是時。科舉未停。民智未啟。國家有文告而已。不暇謀也。地方各保存固有公款之用而已。不肯顧也。推原理端。乃不得不營實業。然嘗一介窮儒。空弩蹶張。注二於何取濟。南通固中外有名產棉最王之區也。會有議興紡廠於通而謀及者。乃身任焉。勞苦空乏。動忍拂亂。注三以植信用。歷四十四月而幸成。又歷二年而幸不死。又二年而利著焉。乃綜自發起之日。歷存未支股東所許之俸給而計其歲息。得銀二萬餘。二三同志復贊助之用。以建設師範學校。後年許而張公之洞設於武昌。又後半年許而劉公坤一設於江甯。注四自慝。注五微薄夷。注六墟莽荆。注七荆榛。僅能效於鄉里一隅也。由是而有講習科簡易科本科之分。講習簡

易卒業而有初等小學。乃有教員。本科與初等小學先後卒業。而有高等小學。乃有教員。又因而增工科焉。測繪科焉。農校之初而中焉。其所取資。一唯嘗所得於紡廠之俸給。不足則叔氏退翁爲之助。仍不足則負債。不敢以累國家。不敢以累地方。誠懼言之無效。徒傷感情。而轉爲吾進行之累也。回顧人世。曷禁歎歎。今十年矣。彙其收入支出之總數。以示諸生。以告一國。教育實業未易言也。立之有本焉。行之有方焉。次第之尤有序焉。易曰。履之而後知。及之而後艱。若嘗者顛蒙凡陋。蓋不足言。不足言。民國紀元元年二月二十八日張謇序。

注：一。說文。鼻出血也。此處作挫折解。蓋因借也。曹植求自試表。師徒小衄。二。漢書申屠嘉傳。以材官蹶張。從高帝擊項籍。如淳曰。材官之多力。能腳踏疆弩張之。故曰蹶張。三。孟子。故天將降大任於是人也。必先苦其心志。勞其筋骨。餓其體膚。空乏其身。行拂亂其所爲。所以動心忍性。曾益其所不能。四。張之洞時爲兩湖總督。劉坤一時爲兩江總督。五。漢書司馬相如傳。不亦慙乎。注。愧也。六。周禮。籒氏。日夏至而夷之。注。以鉤鎌迫地芟之也。七。廣雅釋言。剗。斫也。